

## 2 San Pedro

### *Jacheuayama*

<sup>1</sup> Atše Simón Pedro, Jesucristbe oserverná y chabe ichmoná, quem tsbuanácha sentsabiarná tsëngaftangbiamana, ndëmuanÿenga šmojashjache jtsebomnama canÿe ošbuáchiyana Jesucristbeñe, cach bëngbe ošbuachiyancá uámanana, er Bëngbe Bëtsá y Atsebacayá Jesucristo, jtsebošana ndánaca y nyetscanga chábeñe chamotsošbuáchema.

<sup>2</sup> Atše sëntseimpadana, tsëngaftanga Bëngbe Bëtsabiamana y Bëngbe Utabná Jesusbiamana cada te más jtsetatsëmbëse, Bëngbe Bëtsá chaoma tsabe bendicionënga tsëngaftangbeñe chaotsemnana y chaoma tsëngaftanga ainaniñe tsabe ebionana chašmotsebomnama.

### *Chë Jesucristbeñe ošbuáchiÿengbe tsabe soyënga*

<sup>3</sup> Bëngbe Bëtsá chabe obenánaca tojama bënga chamobená jtsebomnama, lempe ntšamo tmojtsëjabotcá tsabe vida jtsebomnama y jtsiyenama, Bëngbe Bëtsá jadórama soyënga jtsamëse. Cha chca tojama bënga chábioye chamotsábuatmama tojanma ora. Cha bënga šojáchembo, cachá obená y uamaná bëtsemnana y bëts soyënga jamëse, chabe entšanga chamotsemnana.

<sup>4</sup> Chca, Bëngbe Bëtsá šojatšatá ntšamo bënga jatšatayama tojanašebuachenacá, bëts y uámana soyënga, chca, quem luarentša bacna soyënguentsana chašmotsojuánañama. Chë bacna soyënga quem luarentše jtsebínÿnana, entšanga

nÿe cachëngbe bacna juabnëngaca jtsiyenama yapa boše causa. Chánaca chë tšabe soyënga šojatsatá, tšëngaftanga cháftaca cánÿiñe mo canÿacá chašmotsemnana, cachacá jtsemnana jashjáchëse.

<sup>5</sup> Chca, ndoñe quenátsmëna nÿe Jesucristbeñe ošbuáchiyana jtsebomnana; chiñe šmochjenobuáshjache, bëtscá tšabe soyënga jtsamëse; chora bëtscá šmochtsama Bëngbe Bëtsabe soyëngama chacmotsësertánama;

<sup>6</sup> chora bëtscá šmochtsama cach tšëngaftanga jenomándama chašmotsobenama; y chca, tšëngaftanga masque padecena soyënguiñe chašmojtsachnëjuana, ainaniñe puerte añemo jtsebomnëse, puerte uantadënga chašmotsemnana; y chentšana bëtscá šmochtsama, tšëngaftanga Bëngbe Bëtsá šmojtsadoránama jinÿanÿiyama; y

<sup>7</sup> chca, nÿetsca tšëngaftanga ošbuáchiyënga chašmotsenbobonshana; y chca, nÿetsca entsanga chašmotsababuánÿeshana.

<sup>8</sup> Tšëngaftanga lempe chë soyënga šmojtsebomna, y bëtscá chca šmojtsamëse, šmochantsiyena becá oservena soyënga jtsamëse, y chentšana puerte tšabe soyënga echantsóbocana, corente tšabá Bëngbe Utabná Jesucristo chašmotsábuatmama.

<sup>9</sup> Pero nda quem soyënga ndoñe tontsama, Bëngbe Bëtsabe soyëngama ndoñe ntosertánana; y chca, cha mo canÿe jtaná o nduabinÿnacá jtsemnana; cha tbojtsebnatjëmbe Bëngbe Bëtsá chabe tempsca bacna soyënga tbojtsebojuánama, y Bëngbe Bëtsabe delante cachiñe tšabá chaotsatsmënama tojamama.

10 Chíyeca, Jesucristbeyeca atšbe catsátanga, n̄ya šmochtsentsena chca tšabe soyēnga jtsamama, y chca, corente tšabá šmochanjátatsēmbona, Bēngbe Bētsá chabe entšanga chašmotsemnana tcmojáchembuama y tcmojábacacama; y chca jtsamēse, Jesucristbeñe ošbuáchiyana ndocna te quešmochatajbaná.

11 Chca, Bēngbe Bētsá oyejuayá tšēngafangbiana echanjama, Bēngbe Utabná y Atsebacayá Jesucristbe amēndayoye jamashēnguama ndegombre chašmobenama.

12 Chcáyecna, atše sēntsejuabná tšēngafangbioye sempre chē soyēngama jtsabuayiynayana, masque chē soyēngama ya šmotátšēmo, y tša šmojtsošbuaché Bēngbe Bētsabe ndegombre soyēnguiñe y chca šmojtsiyena, chē mora šmojtsetátšēmo soyēnguiñe.

13 Sēntsejuabná, chajjēftsainēntscuana tšabá yojtsemna jamana, ainaniñe bētsá añemo chašmotsebonnana chē soyēnga jtsamama, ntšamo tijayancá jtsabuayiynayēse.

14 Atše sēntsetatšēmo, ndoñe baytese y atšbe ainana Bēngbe Bētsábioye yochtá, ntšamo Bēngbe Utabná Jesucristo šonjēftsanbuayenacá;

15 pero bētsá chanjēftsema, atše chajjóbana chentšánēnaca tšēngafanga n̄yets tempo chē soyēngama chašmotsenójuabnana.

*Cristo corente uamaná y obená yojamnama tmojánin̄ye ora*

16 Bēngbe Utabnabe obenanama y cha yochjésabama ntšamo tcbonjanabuatambacá, ndoñe quenjatsmēna entšangbe osertanánaca

pormana cuentəngaca, er cach bənga botamana fsənjáninye chabe uámanana y obenana.

17 Bəngbe Bətsá chə Taitá, Jesucristo puerte obenana bomná bétsemnama y cha corente bətsá y uamaná bétsemnama tonjaninjinýe ora, bənga fsənjáninye. Chca fsənjáninye Bəngbe Bətsá, chə puerte uámana y bətsábiocana oyebuambnayana Jesúsbiocyte məntšá tbonjanियana ora: “Mua atšbe bonshana Uaquiñá endmēna, atše chabiamasəntsoyejuá ca.”

18 Cach bənga chə oyebuambnayana fsənjanuena, chə celocana tonjanóboconana, er bənga Bəngbe Utabnáftaca fsənjánmēna, chə uámana tjoca.

19 Chə sóyeca bənga fsəntsobena corente jtsetatšəmbuana, ntšamo chə Bəngbe Bətsabe juabna oyebuambnayənga tmojanayancá ndegombre bétsemnama, y tšəngaftanga tšabá šmochántsama, ntšamo chənga tmojanayancá šmojtseyeunanəse. Chca, chəngbe palabréngaca entsopodena Bəngbe Bətsabe soyəngama tšəngaftanga jinjányiyana, y echántsemna mo canye uajuinjanəsha canye ibetiñe luarentše tojtsebinýnacá. Chə soyənga šmochtsuenana Jesucristo yochjésabəntscuana; chora, cha nyetsca soyənga cmochanjínjányiye, mo tšəngaftangbiamacanye tsəm te cuafjabinýncá, y chə jabínýnama ora bínýnaye estrella tojábocna tšəngaftanga jabuabinýnamcá.

20 Pero natsana chacmésertá, ndocna palabra Bəngbe Bətsabe uabemana palabrénguiñe tojayana canye soye yochjopása ca, cabá chca ndopása ora, nye cach Bəngbe Bətsabe juabna oyebuamb-

nayëngbe juabnentšana tojanóbocnama;

<sup>21</sup> er Bëngbe Bëtsabe juabna oyebuambnayënga ndoñe monjanoyebuambná nÿe chënga chca jamama innabóseyeca, ndayá Bëngbe Bëtsabe cuenta tmojanoyebuambá, chë Uámana Espíritu chënga chca chamóyebuambama tojánmayeca.

## 2

### *Chë ndoñe ndegombre soyënga buátëmbayënga (Jud 4-13)*

<sup>1</sup> Chë Bëngbe Bëtsabe juabna oyebuambnayëngbe tempo, Israeloca entsángbeñe baseftángnaca imojamna, ndëmuanÿënga imojichamo chënga ndegombre chca juabna oyebuambnayënga imojamna ca, pero ndegombre ndoñe chcanga imonjamna; cachcá, tšëngaftangbeñe abuatambayënga mochántsemna, y chënga ndoñe ndegombre soyënga mochántsabuatambaye, pero ndegombre soyëngaca cánÿiñe, chca, chënga chca imojtsabuátambama entsanga ndoñe chamondétatšëmbonama. Chë buátëmbana soyënga echanjama, entsanga ndoñe ndegombre soyënga y bacna soyënga chamotsamama. Ntšamo chënga mochántsama y mochántsabuatambaye soyëngaca, mochántsama Jesucristo ndoñe chëngbe Utabná chaondétsemnama, cha nda chënga tojatsebacá, mo nda ínÿënga játsebacama crocénana cuafjëtsjajocá. Y chca, nÿe ndeolpe, chë Bëngbe Bëtsábiocana uabouana castigo nÿetsca tescama mochántsebonna.

<sup>2</sup> Banga chëngbioye mochantsésetona, nÿetscna bacna soye, jenomándama ntsobencá

jtsamëse; y chëngbe causa, ínÿenga ndoñe tšabá quemochátoyebuambnaye chë tšabe benachama, chë ndegombre soyëngaca benache jtishachama.

<sup>3</sup> Chënga bëtsá crocénana jtsebomnama yapa mochántseboše causa, ba bostero soyëngaca cmochántsaingñaye; pero Bëngbe Bëtsá tempo chëngbiana tojánayana, ndoñe tšabá imojtsamama y chëngbiana castigo nyetsca tescama chaotsemnámna.

<sup>4</sup> Bëngbe Bëtsá chë bacna soyënga tmojanma angelëngbioye ndoñe tonjanaperdoná, ndayá infiernoye tojtsanatsatše y puerte ibetiñe tojtsanabáshejuana, chë uabouana tboca chamoquedama, Bëngbe Bëtsá chëngbiana nyetsca tescama castigo chamotsebomnama yochjayana orscama.

<sup>5</sup> Y cach ndoñe quem luarentša entsángbioye tonjanaperdoná Noé yojëftsiyena ora, y chënga jácastigama aíñe tojanma chë uabouana uaftena chëngbeñe chaotsemnama, chë nduauenana y bacna entsanga jtsapochócama. Chentšana, nyë Noébioye, tbojanatsbocá, nda entsanga yojanabuayiyná ntšamo jtsiyenana, Bëngbe Bëtsabe bominÿiñe tšabá yomncá jtsamëse; cha y inÿe canÿsëftangnaca tojanatsebacá.

<sup>6</sup> Bayté entsemna, Bëngbe Bëtsánaca tojánayana chë Sodoma y Gomorra bëts pueblentša entsanga, yapa bacna entsanga imojamnama, bëts castigo jtsebomnama yojánamnama; y íñesheca tojtsanapochocá, chë pueblënga y chentša entsanga jatinyá jtsabiamëntscuana. Y chë sóyeca Bëngbe Bëtsá tojaninÿanÿé ntšamo bacna entsángaftaca yochjama, chë chentšana mochtsiyena bacna entsangbiana.

<sup>7</sup> Pero Bëngbe Bëtsá Lótbioye tbojanatsbocá, chë

bëts pueblënga pochócyentshana. Cha yojamna Bëngbe Bëtsabe bominiñe tšabá amá, y ntšamo chë luarentša entsanga imojaniyenama, nyetscna bacna soye jtsamëse, jenomándama ntsobencá, cha puerte ngménana inabomna.

<sup>8</sup> Er quem tšabe entsá, chëngbeñe oyená, chë entsanga imojtsama bacna soyënga cada te yojanonÿaye y yojanuenana ora, puerte chabe tšabe ainaniñe inasufrina.

<sup>9</sup> Chca, Bëngbe Utabná endobena chë Bëngbe Bëtsábioye adórayënga játsebacana padecena soyënguentšana y bacna soyënga jamama juabnënguentšana, y chë bacna soyënga jamama uamanënga castigánënga jtsabamnama, chë ntšamo chënga imojaniyenëntscuana imojanamcá ndoñe tšabá yonjamna ca Bëngbe Bëtsá yochjayana tescama, y chënga nyetsca tescama chë bëts castigo chamotsebomnama jamándama.

<sup>10</sup> Chca ndegombre endmëna, y más chë ndëmuanÿënga nÿe cachëngbe cuerpëngama bacna juabnëngaca jtsamëse imoyenëngbiama, chënga chë Bëngbe Utabnabe mando jtsaboténana. Chënga bacá buátsenanënga mondmëna y jtsebošana nÿe ntšamo cachënga tmojtsejuabnacá chaotsemnama, y ndoñe ntsauatjana chë espíritënga obenana bomnëngbiama puerte bacna soyënga jtsóyebuambnayama.

<sup>11</sup> Chamna chë angelënga, masque más añemo y obenana bomnënga mondmëna, ndoñe jenñémuana chë espíritënga obenana bomnëngbiama chca jayanama, chëngbiama ndoñe tšabe soyënga jtsóyebuambnayëse, Bëngbe Utabnabe delante.

12 Pero chë buátëmbayënga, chë cachënga ndoñe tontsësertana soyëngama puerte bacá jtsóyebuambnayana, y chca, chënga mondmëna mo tja bayëngcá, soyënga tšabá josértama juabna ndbomnënga; chënga jtsiyenana nÿe ntšamo tojtsebiona y tmojtsebošcá, y chënga jónÿnana, chámuashebuayama y chamëbáyama. Chë buátëmbayënga mo chë bayëngcá mochántsapochocaye.

13 Chënga mochanjasúfria, ínÿenga chamo-sufrima tmojama causa. Chëngbe oyejuayana endmëna nÿe chora chënga tšabá jtsemnana soyënga. Tšëngaftangaftaca cánÿiñe mo ošbuachiyëngcá tmojttesá ora, tšëngaftangbiamatjatjá jtsemnana y chëngbe causa, ínÿenga tšëngaftangbiamapodesca mochántsichamo, er chënga chentše oyejuayënga jtsemnana, nÿe chënga tšabá jtsemnama jtsamëse; y chënga tšëngaftangbeñe jtsemnana, tšëngaftangbioyetsaíngñase.

14 Chënga ndoñe ntsobenana canÿe shembása jinÿana, cháftaca bacna soye jamama ntsebošcá, y sempre jtsenguayana ntšamo bacna soye jamama. Chënga chë Jesucristbeñe nÿe batšá ošbuáchiyana bomnënga jtsaíngñayana, y siempre jtsentšénana nÿe más soyënga jésebošama y jésebomnama, ínÿenga tmobomnama más soyënga jashjáchama; chënga montsemna pochocánënga jtsemnama.

15 Chënga chë tšabe benachentsana tmojtsojuánañe, y mora mo otšëngcá montsemna. Chca chënga imojtsiyena jtsamëse,



mo chë Bëngbe Bëtsabe juabna oyebuambnayá Balaamcá, cha ndoñe tšabá tonjanma orcá; Balaam Beorbe uaquiñá. Cha yapa inaboše bëtscá crocénana juácanama ínÿengbiana bacna soyënga jtsamëse;

<sup>16</sup> y Bëngbe Bëtsá, chábioye chabe bacna soyëngama tbojanácacana, cachabe asno chábioye chabuatsëtsama jamëse; y chca, ndoñe tbonjanlesenciá jama chë ndocna juábnaca soye jamama.

<sup>17</sup> Entšanga jtsobátmanana chënga bëtscá tšabe soyënga chamotsamama, pero chë tmojtsama soyënga tondayama ntoservénana, y chca, chënga jtsemnana mo búyeshe obocanentše tojtsebuashjá; y chënga mora canÿe soye jtsejuabnayana y chentšana inÿetsá; chca chënga jtsemnana mo jantšetëshënga bëts bínÿiaca bonjnëshëngcá. Chëngbiana Bëngbe Bëtsá tojayana castigo chamotsebomnama, chë más ibetoca, tondaye binÿniñe luarentše.

<sup>18</sup> Chënga ba botamana palabréngaca jtsenábotamnayana, pero tondayama ntoservénana; y chë cabá mora Jesucristbeñe tmojtsošbuachéngbioye jtsaíngñayama, chënga ntšamo chëngbe enutënga Bëngbe Bëtsábioye nduabuátmënga imoyencá jtsiyenama imojtsajbananga. Chë buátëmbayënga chë soye jtsamana, chëngbioye jáyëñanase, nÿe cachënga tšabá jtsomñama bacna juabnéngaca soyënga chamotsamama, cachënga jenomándama ntsobercá.

<sup>19</sup> Chë abuátambayënga jašebuachenana tšabe vida jónÿenama, nÿe ntšamo chënga tmojtsebošcá

jtsejuabnayëse y jtsamëse; pero cachënga mondoyena cachëngbe bacna juabnëngaca mandánënga, y chca, chënga montsajna pochocánënga jtsemnama, er ndaye entšánaca mandaná jtsemnana, chë nÿets tempo tobedecena sóyeca.

<sup>20</sup> Er ndëmuanÿenga, Bëngbe Utabná y Atsebacayá Jesucristo tmojtsábuatmama, tmojtsajbaná oyenana mo chë nÿe quem luarama enójuabnaye entšangcá, nÿetsca bacna soye amana y tša bacna juabnënga ainaniñe bomnana, pero mora cachiñe chë soyënguiñe tmojtésajna, y cachiñe mandánënga tmojtsemna chë bacna juabnëngaca, chënga mora más bacá tempscama jabocanana.

<sup>21</sup> Chëngbiana más tšabá manjamna ndoñe ntjobenayana jtsetatšëmbuana ntšamo Bëngbe Bëtsabe bominiñe tšabá yomncá inétsamama, chë soye jatabuátmanana y chentšana játajbanana chë buatëmbana soyënga y chë abuayiynayëngaftaca chëngbioye Bëngbe Bëtsá tojanoyé mandënga jtsobedecénana.

<sup>22</sup> Pero chëngaftaca tojopasá ntšamo entšanga mondëntšayancá chca ndegombre bétsemnama: “Chë queše chabe ashconánana tojtsemnoye jeshëconana ca” y “chë cotše cabá chora bebená, ngüichetsoye jana jetsójanduouoyama ca”.

### 3

#### *Jesucristo quem luaroye jésabama ora*

<sup>1</sup> Jesucristbeyeca atšbe bonshana catšátanga, móraca ya uta soyama cbontsëbuabianná. Quem uta tsbuanáchaca atše sënjábošena jamama

tšëngaftangbe juabna nÿe ena tšabe soyëngaca chaotsemnama, y chca chaotsemnamna atše jtsabuayiynayëse chë tcmojanabuatambá soyëngama.

<sup>2</sup> Atše sëntseboše tšëngaftanga chašmotsenojuabná, ntšamo chë inÿe tempënga ora, chë nÿe Bëngbe Bëtsábioye jtsoservënëse, chabe juabna oyebuambnayënga tmojánayanama, y chë Bëngbe Utabná y Atsebacayabe buatëmbana soyëngama y mandëngama, ndayá chabe ichmónëngaftaca tšëngaftanga šmojanóyëngacñe.

<sup>3</sup> Pero masna quem soye chacmotsësertana: Jesucristo quem luaroye jésabama tempo chaotjsobeco ora, mochántsemna entšanga y chënga mochantsiyena nÿe cachënga tšabá jtsomñama bacna juabnëngaca, y cmochantsëbuayajuana, chë Cristo yochjésabama šmošbuáchemá.

<sup>4</sup> Chënga mëntšá mochántsihamo: “Cristo tcmojanašebuachená quem luaroye jésabama. ¿Ndegombre chca? Chcase, ¿ndayentše cha yojtsemna? Bëngbe bëtsétsanga, ndëmuanÿëngbioye cha tojanašebuachená quem luaroye jésabama, ya tmonjóbana, y quem luarentše lempe cachcá endesomñe, ntšamo quem luare tojanobojatšë orscana enjamncá ca.”

<sup>5</sup> Chë entšanga ndoñe ntsebošana jtsejuabnayana ya bayté yojtsemna, Bëngbe Bëtsá tojanmandá y chca tojanma celoca y quem luare chaotsemnama. Cha quem luare tojanma býeshentšana y býesheca;

<sup>6</sup> y cach býeshecnaca, chë uabouana uafte-nentša béjayeca, ya bayté yojtsemna, cha lempe

quem luarentše yojanbinjncá tojtsanpochocá.

<sup>7</sup> Pero chë mora entsemna celoca y quem luare, cach Bëngbe Bëtsabe mándoca, ndoñe quenátópodena chamotseepochocama, chë Bëngbe Bëtsá jayanama chábioye ndoñe mondadoránënga ntšamo tmojamcá ndoñe tšabá yonjamnama, y chë bacna soyënga tmojamama nyëtsca tescama castigo chamotsebomnama jamándama tempo candóshjanguëntscuana. Chora Bëngbe Bëtsá, celoca y quem luare íñesheca echantseepochóca.

<sup>8</sup> Pero, atšbe bonshánënga, canye soye endmëna y chë soye ndoñe chacmondébnëtjomba: Bëngbe Utabnabe juabnama, canye te endmëna mo canye uaranga uatcá, y canye uaranga uata mo canye tecá.

<sup>9</sup> Ndoñe quenátsmëna, ntšamo báseftanga jtsejuabnayana, ntšamo tojašebuachenacá cha ndoñe betscó yochanjama ca, chë cha quem luaroye jésabama, ndayá chana puerte uantado tšëngaftangaftaca comna; er cha jtsebošana ndocná nyëtsca tescama castigo chaondëtsebomnama, ndayá nyëtscanga bacna soyënga amana jtsajbanase, Bëngbe Bëtsabe tšabe benache chamuashjáchama.

<sup>10</sup> Pero Bëngbe Utabná echanjésabo ndocná chama chaondëtsejuabná ora, mo canye atbëbanacá jashjanguana, ndocná chama tontsejuabná ora. Chora celoca echanjopochóca, canye jabuache shauenanáncá, y quem luare ndaye soyënguentsana yomnana íñesheca echántsefjatëjo, y ndayá Bëngbe Bëtsá y entšanga quem luarentše tmojamcá, lempe echántsejuinye.

11 Lempe chca japochócama entsémnayeca, ndegombre tsëngaftanga cmontsamna jtsiyenana ntšamo chë Bëngbe Bëtsabe entsanga jtsiyenana entsamncá, y nÿets tempo jtsamëse chë Bëngbe Bëtsábioye jtsatschuanayama yomna soyënga,

12 tsëngaftanga chë Jesucristo quem luaroye jésabama chaóshjanguama šmojtsobátmanëntscuana; y nÿa šmochtsentšena cha más betsko cháuesabama. Chë te íñesheca celoca echántsejuinÿe, y ndaye soyënguentsana quem luare yomnana cach íñesheca echántsefjatëjo.

13 Pero bënga mondobátmana ntšamo cha šojašebuachenacá: canÿe tsëm luare, mo canÿe tsëm celoca y tsëm fshantscá, y chentše nÿetscanga mochantsiyena ntšamo Bëngbe Bëtsabe bominÿiñe tsábá yomncá jtsamëse.

14 Chíyeca, atšbe bonshánënga, chë soyënga chaotsemnama šmojtsobátmanëntscuana, nÿa chiñe šmochtsentšena, chca, cha yochjésabo ora, chacmanÿena oyeniñe tsábá Bëngbe Bëtsáftaca jtsatsmënëse, ínÿengaftaca natjëmbana jtsiyenëse; chacmanÿena ainaniñe ndocna bacna soye ndbomnënga, y puerte tsábá jtsamëse oyeniñe; chca, ndocná chaondobená jayanama tsëngaftanga ndaye bacna soye šmojama ca.

15 Quem soye šmochtsejuabnaye: Bëngbe Atsebacayá ndoñe yapa betsko tonjésabësna, chca jtsemnana cha puerte uantado nÿetscángaftaca yómnayeca; chca cha yomna, ba entsanga chë bacna soyënga amana chámajbanama y chabe benache chámuatishachama y chca, atsebácanënga chamotsemnama. Cach quem soyëngámnaca, Je-

sucrístbeyeca bēngbe bonshana catsata Pablo tmonjanēbuábiamá, chē Bēngbe Bētsá tojanma cha chaotsebomnama osertanáca.

<sup>16</sup> Chē soyēngama, Pablo n̄yetsca chabe tsuanáchangañe tonjanoyebuambá. Chéchangañe endmēna soyēnga totcá josértama; y chē soyēngama, chē Bēngbe Bētsabe soyēngama ndoñe tmonjuatsjín̄yēnga, y chē mora can̄ye soye jtsejuabnayana y chentsana in̄yetsá juabnayēnga, jtsejuabnayana y ín̄yēngbioye jtsabuayiynayana ndoñe ndegombre yondmēna ca. Y cachcá jtsamana in̄ye soyēngaca, Bēngbe Bētsabe uabemana palabrēnguiñe. Chca chēnga montsajna pochocánēnga jtsemnama.

<sup>17</sup> Chíyeca, at̄sbe bonshánēnga, t̄sēngaftanga chē ya šmojtsetát̄sēmo chē ndoñe ndegombre soyēnga abuátambayēnga mochtsemnama, yejuana šmochtsantješna; chca, chē Bēngbe Bētsá nt̄samo yomandacá ndobedecenēngbe soyēngaca ín̄yēnga jáingñama, t̄sēngaftanga ndoñe chašmondētsemna mo uambanēngcá, ndoñe chašmondētsajbanama jtsebomnana chē Bēngbe Bētsabe soyēnga nt̄samo šmojashjachcá.

<sup>18</sup> Pero at̄sna, Bēngbe Utabná y Atsebacayá Jesucristo sēntseimpadana, t̄sēngaftanga chašmotsiyena jtsamēse, chē chábent̄šana šmojóyēngacñe ba soyēnga nt̄samo tomnama jtsejuabnayēse, y chaoma t̄sēngaftanga cada te más t̄sabá cha chašmotsábuatmama. ¡N̄yetscanga cha chamotsatschuaná, mora y n̄yetsca tescama! Chca chaotsemna.

## **Bëngbe Bëtsa Cabëngaftaca Entsoyebuambna New Testament in Camsá**

copyright © 2009 Wycliffe Bible Translators, Inc.

Language: Camsá

Translation by: Wycliffe Bible Translators, Inc.

### **Copyright Information**

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Camsá

**© 2009, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-05-05

---

PDF generated using Haiola and XeLaTeX on 18 Apr 2025 from source files  
dated 29 Jan 2022  
19104c0e-9046-5ff3-82fb-eb838c88dcf9